

名山縣志卷三

知縣事遵義趙 懿纂輯

水道

蒙水 一作濛水一稱名山水今日青溪一曰青江
 源出縣北蓮花山後海龍溝東流逕蓮花山下有蓮
 花山水北來注之曰頭道河合而南流逕餘光坡有
 白土坎水東來注之曰二道河又西流逕城東南紫
 霞山有小水南來注之曰碓臼河又西南有蒙山諸
 小溪北來注之曰花溪河至大工壩有小水東來注
 之曰瓦溝水又有金雞關水西來注之曰名山水詳前
 山金雞曲屈流行二十里許至青江堰下有車嶺鎮水
 東來注之曰延鎮河出縣境至雅安縣之草壩下十
 五里龜都山匯於雅河曰青衣江是蒙水即青衣江
 之一源也

名山縣志卷三

水道

一

山海經濛水出漢陽西入江聶陽西郭璞注漢陽
 縣屬朱提漢書地理志青衣下禹貢蒙山溪大渡
 水東南至南安入澨錢氏斲注**山海經**濛水濛與
 蒙字同水出蒙山故亦曰蒙水水經注南安縣南
 有峨眉山有濛水即大渡水也水發濛溪東南流
 與澨水合段氏說文注澨字下引以為據蜀水經
 靈關有蒙山雅水出焉故謂之蒙水按以上諸說
 統蒙山左右水言之也華陽國志冰又通笮通文

井江與蒙溪分水白木江會武陽天社山下

水經注同

見按天社山在今新津縣蒙溪分水即百丈水流

經蒲江入新津河者也以百丈水為蒙溪分水則

蒙水當專在蒙山下西南流入青衣江者乃得受

蒙水之名是名山水即蒙水也齊召南水道提綱

青衣江徑名山縣南境有百丈水及蒙山水自縣

東北合而南流來注之二水混淆非是

附龜都山攷史記河渠書蜀守冰鑿離碓辟沫水

之害漢書溝洫志作離峯晉灼曰峯古堆字也峯

岸也晉書胡奮傳作離埽桂陽太守周憬碑作犁

離李膺益州記青衣神號雷埽廟班固以為離峯

名山縣志卷三

水道

下有石室玉女房蓋此神也華陽國志青衣有沫

水出蒙山下伏行地中會江南安觸山脇溷崖水

脈漂疾破害舟船歷代患之冰發卒鑿平溷崖通

正水道或曰冰鑿時水神怒冰乃操刀入水中與

神鬪迄今蒙福

水經注同見前

又犍為郡南安縣郡東四

百里治青衣江會縣漑有名灘一曰雷垣二曰鹽

漑李冰所平也水經注南安縣西有熊耳峽連山

競險接嶺爭高漢河平中山崩地震江水逆流懸

漑有灘名壘坻亦曰鹽漑李冰所平也縣治青衣

江會襟帶二水矣元和郡縣志雅州有離堆蜀守

李冰所鑿離即古雅字故州以雅為名太平寰宇

記雅州有離崖離音雅輿地紀勝黎崖黎堆自是
兩處一在永康一在沈黎故在沈黎者爲離崖史
稱避沫水之害是也在永康者爲離堆今永康阜
江之側是也又引嘉定府志離崖者孤山也詁訓
云爾蜀江有離崖蜀漢亦有離崖府治離崖當瀆
江沫水孔道曰烏尤者四面斬絕乃眞離崖與永
康所記不同象之按嘉州孤山正由江州之大小
二孤永康崇德之離崖乃秦時太守李冰鑿山爲
二中爲大渠引水灌成都以通堰其取相離之義
亦由湖南之離水耳顏眞卿離崖碑謂在新政新
政今閬中洪适隸釋謂在夾江明史地理志以湔
泃江爲離崖謂在灌縣通志謂南部蒼溪二縣皆
有之按離崖當以史記漢書爲準知鑿離崖爲辟
沫水之害則知確在嘉州雅州之間矣今名山蒙
水入青衣江處之龜都山一曰孤山特立江中與
岸離絕當卽古離崖也上有神廟今正祀李冰其
旁祀或卽古青衣之神龜離疊韻都崖雙聲蓋以
聲韻之訛轉也至若離堆犁魁雷埽崖雷垣壘
坻黎崖要皆音同字異共地殊名里俗方言記載
各別耳近人有道及者而未能引伸其義爲此攷
以俟博雅君子辨識焉

青衣江 一名平羌江 一名邛峽水 一名平鄉水 一

名大渡水一名雅河源出蘆山縣東伏牛山西南流
逕蒙山西北至雅州府城下合沫水折而東南逕名
山縣南境名山蒙水入焉自下皆曰青衣江又南流
經洪雅縣至夾江縣與大渡水合逕嘉定府城下入
大江

[漢志]青衣下蒙山溪大渡水東南至南安入泯嚴
道下邛崃山邛水所出東入青衣[華陽國志]青衣
有沫水出蒙山下伏行地中會江南安[水經]青衣
水出青衣縣西蒙山東與沫水合也至犍爲南安
入於江[酈注]漢嘉縣有蒙山青衣水所發東逕其
縣與沫水會於越嶲郡之靈關道青衣水又東邛

水注之水出漢嘉嚴道邛來山東至蜀郡臨邛縣
東入青衣水又引華陽國志沫青衣二水於漢嘉
青衣縣東合爲一川亦謂之青衣水[史記]司馬相
如傳索隱張揖曰沫水出蜀廣平徼外與青衣水
合也[寰宇記]平羌水在名山縣上源曰邛崃水又
名平鄉水西北自嚴道縣流入至眉州洪雅縣界
下又名青衣水又蘆山縣下云大渡水從生羌界
東流入浮圖水[方輿勝覽]青衣水出蘆山徼外東
南流經嚴道洪雅夾江至龍游與岷江合曰青衣
以縣名一曰蒙水以山名一曰大渡以溪名又曰
雅水以州名[一統志]蘆山往來必渡此水故名大

渡非清溪之大渡河也。王鴻緒明史稿蘆山北有大渡河自生番界流入亦名沫水亦曰陽江。邛雅必經之道也。黃宗羲今水經沫水源出雅州逕天全六番招討司東南流至雅州城北青衣水入之。又東南至夾江縣西北九十里入於大渡河。方輿紀要青衣江源出蘆山東南流至雅州境合沫水經名山縣南又東入嘉定州洪雅界。段玉裁說文註青衣江出雅州府蘆山縣東伏牛山西麓東南流經榮經縣東雅州府城北名山縣南洪雅縣南夾江縣西至嘉定府西境與陽江合蓋今之青衣水。班志所謂大渡水也。今之大渡河班志所謂泔水特青衣之一源耳。

水也。蒼萃眾說則青衣水不辨自明。益知名山濛水特青衣之一源耳。又方輿紀要蜀中青衣凡三其一在漢嘉卽大渡河所經漢書公孫述僭據青衣人不賓是也。其一在青神蠶叢氏衣青教民農事人皆神之是也。其一在南溪古有青衣國慕義來賓是也。洪雅縣志按寰宇記青衣水濯衣卽青色傳奇謂秦昭王時見有老人衣青自峽中出皆鑿妄之說。蓋古蠶叢氏青衣勸農子孫遂爲青衣國。梁惠成王十年瑯陽人道青衣水來歸漢高帝六年開置青衣縣武帝置青衣都尉治青衣漢民其後據羌而王公孫

述稱帝不肯賓服至安帝延光元年其王子心慕漢則求內附焉實今名山雅安也何緣敘州之南復有青衣國耶

百丈水 古名白木江一稱千尺潭水三源出縣北蓮花山東麓東南流逕三江壩曰富充河下至百丈驛曰百丈河又經百丈廢縣入蒲江界爲鐵溪河又下會蒲水入於邛州之南津至新津縣入岷江

華陽國志文井江與蒙溪分水白木江會武陽天社山下水經注文井江自葭道與濛溪分水至蜀郡臨邛縣與布僕水合按蒙溪分水白木江卽百丈水也輿地紀勝雅安諸水惟百丈發源入邛州

夾門江而匯於邛之南津此誤以夾門江水爲百丈水明史地理志名山有百丈水下流入平羌江此又以濛水爲百丈水亦誤方輿紀要鐵溪河蒲江縣北二十里其上流爲百丈河自雅州名山縣流入界合蒲水又東北注於邛水

通志

水道提綱

邛州南河至新津西南境蒲江水自西南來注之水有二一西北出百丈驛西山東流百五十里至縣東北境一西南出丹稜北境山兩源東北流經縣城東南又東北與百丈驛水合又東北與邛州南河合又東北與溪木河乾溪河合徑新津城南東與大江正派合按丹稜北境兩源卽名山之兩

合河也去百丈驛南四十里蒲江縣志臨溪河縣北三十里一名鐵溪河唐志臨溪縣有鐵官蓋溪畔山皆產鐵也水源出自名山縣蓮花峯經百丈驛下流入縣界至周家營分爲二支東北至兩河口合流又東北至雷河合蒲江通謂之蒲水富充河府志在縣北十八里源通三江河按富充河發源於錦鳳山東紅草池初名沙河下爲富充河有巨驪溝水南來注之下爲五福沱有洪春溝水北來注之黃鶴溝二家溝水南來注之下爲三江河又下卽百丈河

附記五福沱在富充河內深不可測中有神魚每

大旱居民取麻柳葉苦楝擲河中雷雨立至

兩合河府志在縣南體仁里九甲東南流入蒲江縣爲蒲水按兩合河二源一爲小海子一爲乾木溪合流經合江鎮東南流徑丹稜縣北蒲江縣南爲蒲水下會百丈水入邛州

王存元豐九域志蒲江縣西有合水鎮爲戍守要地按卽今合江鎮方輿紀要蒲水蒲江縣南源發雅州名山縣界亦謂之蒲江通志蒲水自名山流入蒲江縣志蒲水發源於名山之小海子經兩合水會丹稜羸子坡之水流入蒲江東至張公堰分一支入小河至汪潭會合又東北入邛州界合邛

水出新津又云兩合水與名山交界左水自落道寺來右水自乾木溪來二水會合爲蒲水之源

趙懿宿合江鎮詩合水古來成蒲江自此垂馬鬣千疊峻天目一峯危地僻時多盜民貧總可悲於今敢安枕歲暮恐瘡痍

延鎮河

府志在遵四甲迴龍山瀑布四流河通雅

溪按此水發源體十甲西流遶馬鬣嶺石城山迴龍山至雅安之合江場合蒙山水入青衣江經流約六七十裡故得延鎮之名而延鎮鄉又因以得名也

花溪

府志在遵一甲蒙山諸水所會沿溪懸蘿翠

篠細草青蒲頗爲幽境按城西諸水一曰小河一曰

名山縣志卷三

水道

八

李溝會於三里橋一曰黑水堰溪一曰花溪一曰槐溪會於火燒橋一老鷹石水一花鹿池水一五峯山水一雷洞坪水一滴水崖水一紅崖腦水次第會於龍莫橋一落雲山水一金雞關水會於大功壩此蒙山諸水之入青衣江者

趙懿溪游詩徑遠隨芳草人行到曲源溪雲團水碓煙樹抱山邨日煖鶯聲麗花多蝶事繁偶逢奇石坐幽意欲忘言

趙怡和路逐清流轉花迎步

屨暉邨雞依樹放溪鳥破煙飛沙日暖浮竹水風涼上衣偶逢垂釣客相與坐忘機

趙恆青衣川

垂釣詩偶入雲林俗事稀隨流引縵頓忘機漸移

草屨近臨水不覺柳陰涼上衣吹浪細鱗隨手得
帶波雙鳥背人飛晚來忽動滄浪思清絕湘山弄
月歸〔懿和〕古木樛柯翳薜蘿水痕深黑認魚窠
乘涼久立垂綸靜逐浪頻移動餌俄密密銀鱗粘
曬笠飛飛翠羽拂煙蓑白雲洞下南塘曲何日同
君釣綠波

一步溪〔府志〕在體一甲

虎跳溪〔府志〕在體一甲

碓臼河〔府志〕在體一甲

瓦溝水 在遵二甲以上諸小溪皆入蒙水

血河〔府志〕在遵七甲每歲交春則水赤如血交冬

漸淡

恰恰河〔府志〕在遵十甲

冷水溪〔府志〕在遵四甲以上入延鎮河

三江河〔府志〕在體四甲去縣東北十五里源發尖

峯頂谷中下流爲百丈溪按此水去縣治三十里

石橋河 源出錦鳳山西徑三江壩入三江河

蕉竹溪 在城東北二十里

樓房溝 在城東北三十里

芭蕉溪 在城東北四十里以上皆入富充河

深溝 在體八甲去城東南五十五里東流入百丈
河

龍鳳溪 一名老鷹溝 一名龍洞溝 自合江鎮流入
兩合水

附記老鷹溝入兩合水處有一潭波平似鏡浪細如鱗名曰小魚倉有巨魚潛於倉中出現則水驟漲每天旱鄉人集網罟捕魚卽大雨故謠云天不一雨開魚倉岸上一山俗呼爲挂榜山每崩缺鄉人必有登科者

溫水溪 [府志]在體六甲

鹽井溪 [府志]在體六甲

黑石河 [府志]在體七甲按[晏氏家譜]今龍興寺側

甘溪 [府志]在體七甲

名山縣志卷三

水道

十

剛溪 [府志]在體七甲

郭河 在體七甲自溫水溪以下諸水皆北流入邛州夾門江者

白馬潭 在體五甲白馬山下去城東北四十里潭底有伏龍水四時潮湧[晏氏家譜]每潮二金魚先從洞來水旋漲魚去池涸如故

[輿地紀勝]白馬潭在名山西北四十里一日三潮潮時洞穴中鳴聲如雷食頃吸回溪流復涸取湫器中潮湧與潭相應舊有龍馬出入故名

魚王潭 [府志]一名魚王洞相傳穴道通水月寺時有異鱗游出按今訛爲魚網灘在遵三甲城西南十

五里青衣江中潭中巨魚羣游主歲大旱

鐘鼓潭 府志在體五甲按疑卽白馬潭

洗馬池 府志在體五甲按舊傳爲漢鎮東將軍趙

順平侯洗馬處今順平侯墓在大邑去縣相近縣中

有順平侯廟或亦所經之地與

釣魴池 府志在體八甲

鳳凰池 府志在遵四甲

鯉魚池 府志在遵四甲

野鴨池 府志在城按今學署前有田池疑卽此

青衣井 府志在城東五顯廟中今蓋以石按晏氏

家譜漢青衣井在東門大板橋五顯廟神座下今廢

矣

甘露井 府志在蒙頂上清峯井內斗水雨不盈旱

不涸後人蓋之以石遊者虔禮搗石取水烹茶則有

異香若擅自搗取雖晴日卽時大雨云

百丈井 府志在百丈驛後泉通千尺潭故名

玉液泉 府志在棲霞山東明弘治中督學王勅改

今名按泉久廢懿復開之詳前棲霞山下

海子井 府志在遵四甲

四方井 府志在遵四甲

月華井 一名八角井在縣署後

金鵝池 在石城山見輿地紀勝

鴛鴦池 在蓮花峯後青衣水所經

花鹿池 在蒙頂山東

蒙井 一稱龍井在天蓋寺山半

紅草池 在城東北二十里萬古堡池中產紅草可
以為席相傳古曾入貢今無矣

龍洞溝 在體九甲舊傳出龍

金環井 體九甲合水邨中有一井清冽香甘相傳
井有金環鄉人嫁娶焚香祝之則金環浮出可以假
用仍焚香還之有誑之者後遂不能借今井在龐氏
紫落祠側

楠木堰 在城東北六十里

名山縣志卷三

津梁

三

枝子堰 在城東北五十里

大鳴池 在城東二十里

藕塘 在城東北六十里

津梁

青雲橋 [府志]青雲門外青衣水上舊有橋燬康熙
六年知縣李應宗建木橋長十丈上覆以屋按光緒
十五年大水衝塌節婦高天禎妻馬氏重建

飛鳳橋 城南碓臼河上入紫霞山路也舊名同心

橋 [府志]雍正十三年生員羅宦倪天久同建木橋今

易以石按此橋風景絕佳西瞻蒙蔡北顧蓮峰十里
平疇一城煙火舊傳虞雍國公允文手植梅柳槐竹

於清溪橋側卽此處也今皆無之知縣趙懿更植桃柳夾道並欲開一廣池以助青衣紫霞風景云

趙懿詩雨餘有佳興出郭步潺湲月照青衣水雲歸蒙頂山又魚明細火獵犬響金鑲獨立溪橋畔微吟亦自閒又小醉低吟匹馬驕淡煙疎柳過溪橋蔡蒙山色橫迢遞邛笮人家半寂寥赤足了頭花壓髻黃鬚獵客弩橫腰何當偶見絃歌化容我高吟弄酒瓢又予至名山之次年於飛鳳橋紫霞橋側遍種花果桃柳效河陽彭澤故事作三詩紀之在昔嘗看種樹書扶疎花木蔭吾廬於今每到停車處輒便親栽手自鋤飛鳳橋南接紫霞嫩紅

嬌綠間人家依稀彭澤千行柳爛熳河陽三月花柳杏桃梨三百株命奴親種手親扶他年父老應相笑點襯蒙山入畫圖

趙怡和三首高插低栽

接縣門春風花柳自邛邛前身應是河陽宰聽說田家老瓦盆日日游觀手種新鞭絲帽影冒香塵他年圖畫憑誰作襯我身閒無事人故園錦繡春如海新買溪山天下稀待脫青衫賦歸去綠鋤雙倚白雲扉又吟眺至紫霞橋詩逶迤郭門外芳草引閑步平野靄陽暉遙林曳煙素西飛蒙頂雲半落青衣渡亭午不逢人行吟石橋路柔茵被沙堤鳴鳩亂汀樹芳菲昨日遊物華倏晚暮紅颺風片

稀翠漬煙條注懷新興自得觀化惜斯遽暢然弄
清流且適滄洲趣 [懿和]雲澹天爲高風日暢晴
麗鷓鴣忽已鳴芳洲綠迢遞良游展佳思遐鷓遂
幽計殘紅覺春晚鶯啼驚候逝山鄉少桑麻畊農
兼娣姒地瘠歲猶荒民貧爲一噫今茲喜春和草
木已蒙翳卽事賦新詩浩謔和棠棣 [趙恆詩]出
郭曠清賞天高秋暢晴林開遠峰出日落孤煙明
映水一鷗白向山雙鳥輕悠悠世塵表無復念浮
名 [懿和]新秋極清曠平野靄初晴曉露稻苗秀
孤煙邨樹明青天一雁響白水數鷗輕欲訪接輿
子無人知姓名

紫霞橋

城西南青衣水上石橋

附記紫霞橋南岸本陳姓地光緒十七年與人涉
訟縣令趙懿令捨入官徧種桃柳並豎石碑云陳
家河岸逼騰瀧砌磊增高礙石砭從此盡栽桃與
柳千年風景護青江

捲洞橋

[府志]城東一里青衣水上石橋

西河橋

城西一里青衣水上石橋

三里橋

[府志]城西三里石橋

轉山橋

舊名甘露橋入蒙山路也相傳此橋甚古

橋成甘露祖師親爲踩橋雖大水永無崩圯橋側有
古楠樹圓徑數圍

柳梢橋

府志一作許梢橋俗名火燒橋城西五里

石橋

槐溪橋

府志蒙山下石橋

花溪橋

府志城西七里花溪水上石橋

優廩生李含貞花溪橋碑記鐫尾一溪煙水擁晴

瀾勢挽長虹具大觀怪石分流驚鳥渡亂山環繞
似龍蟠野花漲雨紅侵岸隄柳飛陰綠過欄穩駕
鼉梁今共慶為留新句與人看

雙會橋

花溪上入蒙山路

高山橋

迎仙橋

五峯橋

智知寺下

三岔橋

五福

橋皆在蒙山大五頂

名山縣志卷三

津梁

十五

中橋

平安橋

大興橋

鴻福橋

名雅橋皆在

蒙山諸溪上

龍旋橋

一名龍奠橋一名奠安橋在城西十二里

府志溪行如龍旋故名

趙懿龍旋橋書付胡氏小郎詩軋軋機絲響颼颼

磨穀聲溪田寒菜綠邨樹曉煙明樂事歌雞屋幽

風繪兕觥兒童知禮肅出語頗肫誠

楊柳橋

城西十四里落雲山下

金雞橋

府志遵二甲橋西即雅安縣界康熙丁巳

年建石橋

江落橋

府志遵三甲康熙四十年僧會璋募建木

橋

芍藥橋

府志遵四甲橋邊多芍藥故名

永鎮橋

府志遵五甲延鎮河上明嘉靖年建石橋

烈女橋

府志遵八甲石橋

寶蓮橋

府志遵十甲明建石橋

岑家橋

府志遵十甲恰恰河上明崇禎間里民岑

鳳岡建

聯峰橋

府志體一甲石橋明萬歷年間里民鄧聯

峰建因名

金橋

府志體一甲虎跳溪上石橋

古城橋

府志體三甲古城廟前石橋

名山縣志卷三

津梁

共

西河橋

府志百丈驛西乾隆元年建石橋

東河橋

府志百丈渡一名東河渡在百丈驛東卽

百丈河夏秋用竹筏爲渡冬春水涸架橋按今建石

橋里民王雙盛陳漢應同建也

鱈魚橋

體八甲石橋